

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাহাঙ্গীরনগর বিশ্ববিদ্যালয়

‘এপ্লিকেশন অব জিআইএস এ্যান্ড রিমোট সেনসিং অন মিলিটারি নেভিগেশন এ্যান্ড ম্যাপিং’

জাহাঙ্গীরনগর বিশ্ববিদ্যালয়, ১ এপ্রিল ২০১৯।

জাহাঙ্গীরনগর বিশ্ববিদ্যালয়ের ইনস্টিটিউট অব রিমোট সেনসিং আয়োজিত ‘এপ্লিকেশন অব জিআইএস এ্যান্ড রিমোট সেনসিং অন মিলিটারি নেভিগেশন এ্যান্ড ম্যাপিং’ শীর্ষক সাত দিনের (২৩-৩১ মার্চ) ট্রেনিং কর্মশালা গত রোববার রাতে আই আর এস অফিসে সমাপ্ত হয়েছে। সমাপনী দিনে উপস্থিত ছিলেন প্রধান অতিথি ট্রেজারার অধ্যাপক শেখ মো. মনজুরুল হক, বিশেষ অতিথি সমাজবিজ্ঞান অনুষদের ডিন অধ্যাপক ড. রাশেদা আখতার, আইন অনুষদের ডিন অধ্যাপক বশির আহমেদ ও সাভার সেনানিবাসের লেঃ কর্নেল সাদিক। সমাপনী অনুষ্ঠানে সভাপতিত্ব করেন ‘আই আর এস’র পরিচালক অধ্যাপক ড. শেখ তৌহিদুল ইসলাম। সমাপনী অনুষ্ঠানে প্রধান অতিথির ভাষণে ট্রেজারার অধ্যাপক শেখ মো. মনজুরুল হক বলেন, সামরিক ক্ষেত্রে জি আই এস, মিলিটারি নেভিগেশন এবং ম্যাপিং অত্যন্ত গুরুত্বপূর্ণ বিষয়। মিলিটারি টার্গেট নির্ধারণ এবং ম্যাপিং সঠিকভাবে করতে হলে জিআইএস কার্যকরী ভূমিকা রাখতে পারে। সভাপতির ভাষণে ‘আই আর এস’র পরিচালক অধ্যাপক ড. শেখ তৌহিদুল ইসলাম বলেন, আধুনিক সামরিক পরিকল্পনায় জিআইএস তথ্য-প্রযুক্তি যেমন সহায়তা করে তেমনি বেসামরিক ভৌগোলিক উন্নয়নেও এর ব্যবহার ব্যাপকভাবে প্রতীয়মান হচ্ছে।

‘কার্যকর শিক্ষা-দক্ষতা ও চাপ উপশম’ শীর্ষক কর্মশালা

ইনস্টিটিউট অব ইনফরমেশন টেকনোলজি (আই আই টি)তে ‘কার্যকর শিক্ষা-দক্ষতা ও চাপ উপশম’ শীর্ষক কর্মশালা উদ্বোধন করেন ছাত্রকল্যাণ ও পরামর্শদান কেন্দ্রের পরিচালক অধ্যাপক ড. রাশেদা আখতার। বক্তব্য রাখেন আই আই টির ভারপ্রাপ্ত পরিচালক মেসবাহ উদ্দিন সরকার, মনোবিজ্ঞানী ইফফাত জাহান ও শুভাশীষ কুমার চ্যাটার্জি।

বক্তাগণ শিক্ষার্থীদের শিক্ষা-দক্ষতা অর্জন, শিক্ষা পলিসি নির্ধারণ, মানসিক চাপের প্রকৃতি ও চাপ উপশমের বিভিন্ন প্রক্রিয়া সম্পর্কে কর্মশালায় প্রশিক্ষণ দেন।

পরিচালক (ভারপ্রাপ্ত)
জনসংযোগ অফিস